



# SLUŽBENE NOVINE

## KANTONA SARAJEVO

Godina XVII – Broj 2

Četvrtak, 26. januar 2012. godine  
SARAJEVO

ISSN 1512-7052

### KANTON SARAJEVO

#### Skupština Kantona Zakonodavno-pravna komisija

Na osnovu člana 14. Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11) i člana 175. stav 1. Poslovnika Skupštine Kantona Sarajevo ("Službene novine Kantona Sarajevo", broj 25/10-Novi prečišćeni tekst), Zakonodavno-pravna komisija Skupštine Kantona Sarajevo, na sjednici od 23.1.2012. godine, utvrdila je Prečišćeni tekst Zakona o organizaciji i djelokrugu organa uprave i upravnih organizacija Kantona Sarajevo.

Prečišćeni tekst Zakona o organizaciji i djelokrugu organa uprave i upravnih organizacija Kantona Sarajevo obuhvata: Zakon o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), Zakon o organizaciji i djelokrugu organa uprave i upravnih organizacija Kantona Sarajevo - Ispravka ("Službene novine Kantona Sarajevo", broj 16/08), Zakon o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 14/10) i Zakon o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), u kojim je naznačen dan stupanja na snagu tih zakona.

Broj 01-05-931/12. - Komisija                      Predsjednik  
23. januara 2012. godine                      Zakonodavno-pravne komisije  
Sarajevo    Esad Hrvčić, s. r.

### ZAKON

#### O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO (Prečišćeni tekst)

#### POGLAVLJE I - OSNOVNE ODREDBE

##### Član 1.

(Osnivanje kantonalnih organa uprave i upravnih organizacija)

Ovim Zakonom osnivaju se organi uprave i upravne organizacije Kantona Sarajevo (u daljnjem tekstu: Kanton), utvrđuje njihov djelokrug i uređuju druga pitanja od značaja za njihovo organizovanje i funkcionisanje.

##### Član 2.

(Organi koji vrše poslove uprave)

Poslove uprave, stručne i s njima povezane upravne poslove iz okvira nadležnosti Kantona vrše kantonalna ministarstva, kantonalne uprave i kantonalne upravne organizacije, utvrđene ovim Zakonom.

##### Član 3.

(Odnos ministarstva prema upravi, odnosno upravnoj organizaciji u sastavu ministarstva)

U poslovima iz nadležnosti kantonalne uprave, odnosno kantonalne upravne organizacije koje se nalaze u sastavu kantonalnog ministarstva, ministar donosi podzakonske propise i opše akte za izvršavanje kantonalnih zakona iz tih oblasti i vrši upravni nadzor nad radom te uprave, odnosno organizacije, u skladu sa zakonom.

##### Član 4.

(Odgovornost direktora kantonalne uprave, odnosno kantonalne upravne organizacije)

Direktor kantonalne uprave, odnosno kantonalne upravne organizacije za svoj rad i rad uprave, odnosno upravne organizacije kojom rukovodi odgovoran je i to:

- a) direktor samostalne kantonalne uprave, odnosno samostalne kantonalne upravne organizacije - Vladi Kantona;
- b) direktor kantonalne uprave, odnosno kantonalne upravne organizacije u sastavu kantonalnog ministarstva - ministru i Vladi Kantona.

##### Član 5.

(Zastupljenost)

- (1) U kantonalnim ministarstvima, kantonalnim upravama i kantonalnim upravnim organizacijama osigurava se proporcionalna zastupljenost konstitutivnih naroda i grupe Ostalih, u skladu s Amandmanom XIX (član 11a.) Ustava Kantona Sarajevo, kao i ravnopravna zastupljenost spolova.
- (2) Gramatička terminologija korišćenja muškog roda u ovom zakonu podrazumijeva uključivanje oba roda.

#### POGLAVLJE II - KANTONALNI ORGANI UPRAVE

##### Odjeljak A - Kantonalna ministarstva

##### Član 6.

(Kantonalna ministarstva)

- (1) Kantonalna ministarstva su:

- a) Ministarstvo pravde i uprave,
- b) Ministarstvo prostornog uređenja i zaštite okoliša,
- c) Ministarstvo stambene politike,
- d) Ministarstvo saobraćaja,
- e) Ministarstvo unutrašnjih poslova,
- f) Ministarstvo privrede,
- g) Ministarstvo finansija,
- h) Ministarstvo zdravstva,
- i) Ministarstvo za obrazovanje, nauku i mlade,
- j) Ministarstvo kulture i sporta,
- k) Ministarstvo za rad, socijalnu politiku, raseljena lica i izbjeglice i
- l) Ministarstvo za boračka pitanja.

#### Odjeljak B - Djelokrug kantonalnih ministarstava

##### Član 7.

(Ministarstvo pravde i uprave)

Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o uskladenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug drugog organa uprave Kantona.

##### Član 8.

(Ministarstvo prostornog uređenja i zaštite okoliša)

- (1) Ministarstvo prostornog uređenja i zaštite okoliša vrši upravne i stručne poslove utvrđene ustavom zakonom i drugim propisima, koji se odnose na ostvarivanje nadležnosti Kantona u oblasti prostornog uređenja zaštite okoliša i komunalnih djelatnosti.
- (2) U sastavu Ministarstva prostornog uređenja i zaštite okoliša je Uprava za geodetske i imovinsko-pravne poslove.
- (3) Uprava za geodetske i imovinsko-pravne poslove vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti geodetskih i imovinsko-pravnih poslova.

##### Član 9.

(Ministarstvo stambene politike)

- (1) Ministarstvo stambene politike vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti stambene izgradnje, obnove i rekonstrukcije i poslove stambene inspekcije.
- (2) U sastavu Ministarstva stambene politike, je Uprava za stambena pitanja.
- (3) Uprava za stambena pitanja vrši upravne i druge stručne poslove koji se odnose na prvostepeni upravni postupak po zakonima iz oblasti stambenih odnosa i aktima o provođenju tih zakona.

##### Član 10.

(Ministarstvo saobraćaja)

- (1) Ministarstvo saobraćaja vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti saobraćaja.
- (2) U sastavu Ministarstva saobraćaja je Direkcija za puteve, kao kantonalna upravna organizacija, koja ima svojstvo pravnog lica.
- (3) Direkcija za puteve vrši stručne poslove pretežno privrednog karaktera i sa njima povezane upravne poslove utvrđene zakonom i drugim propisima, koji se odnose na nadležnosti

Kantona u izgradnji, rekonstrukciji, održavanju, zaštiti i upravljanju putevima.

##### Član 11.

(Ministarstvo unutrašnjih poslova)

Ministarstvo unutrašnjih poslova vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti unutrašnjih poslova i poslove inspekcijskog nadzora nad radom agencija za zaštitu ljudi i imovine i poslove inspekcijskog nadzora nad sprovođenjem mjera zaštite od požara, u skladu sa zakonom.

##### Član 12.

(Ministarstvo privrede)

- (1) Ministarstvo privrede vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti privrede, vodoprivrede, poljoprivrede, šumarstva i lovstva, veterinarstva, industrije i energetike, obrta, korišćenja prirodnih bogatstava, kantonalnog turizma i turističkih resursa, trgovine i ugostiteljstva.
- (2) U sastavu Ministarstva privrede su Uprava za šumarstvo i Direkcija za turizam.
- (3) Uprava za šumarstvo vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti šumarstva.
- (4) Direkcija za turizam vrši stručne i s njima povezane upravne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti turizma i turističkih resursa Kantona.

##### Član 13.

(Ministarstvo finansija)

Ministarstvo finansija vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti finansija i poslove budžetske inspekcije.

##### Član 14.

(Ministarstvo zdravstva)

Ministarstvo zdravstva vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti zdravstva.

##### Član 15.

(Ministarstvo za obrazovanje, nauku i mlade)

- (1) Ministarstvo za obrazovanje, nauku i mlade vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti obrazovanja i nauke i oblasti stvaranja i provođenja politike prema mladima, u skladu sa zakonom.
- (2) U sastavu Ministarstva za obrazovanje, nauku i mlade je Prosvjetno-pedagoški zavod.
- (3) Prosvjetno-pedagoški zavod vrši stručne i s njima povezane upravne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja.

##### Član 16.

(Ministarstvo kulture i sporta)

Ministarstvo kulture i sporta vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti kulture i sporta i poslove inspekcije za sport.

##### Član 17.

(Ministarstvo za rad, socijalnu politiku, raseljena lica i izbjeglice)

Ministarstvo za rad, socijalnu politiku, raseljena lica i izbjeglice vrši upravne i stručne poslove utvrđene ustavom, zakonom i drugim propisima, koji se odnose na ostvarivanje

nadležnosti Kantona u oblasti rada, socijalne politike, raseljenih lica i izbjeglica.

Član 18.

(Ministarstvo za boračka pitanja)

Ministarstvo za boračka pitanja vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti zaštite branioca, dobrovoljaca i organizatora otpora, veterana, učesnika rata, ratnih vojnih invalida, mirmodopskih vojnih invalida, porodica šehida i porodica poginulog, umrlog, nestalog branioca i nosioca najvećih ratnih priznanja, ratnih vojnih zarobljenika i učesnika Narodnooslobodilačkog antifašističkog rata 1941.-1945. godine, na području Kantona, vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

**Odjeljak C - Samostalne kantonalne uprave**

Član 19.

(Samostalne kantonalne uprave)

Samostalne kantonalne uprave su:

- a) Kantonalna uprava za inspeksijske poslove
- b) Kantonalna uprava civilne zaštite.

Član 20.

(Kantonalna uprava za inspeksijske poslove)

- (1) Kantonalna uprava za inspeksijske poslove vrši inspeksijske poslove iz nadležnosti kantonalnih inspekcija koje su organizovane u njenom sastavu i druge upravne i stručne poslove, u skladu sa zakonom i drugim propisima.
- (2) Kantonalne inspekcije u sastavu Kantonalne uprave za inspeksijske poslove su:
  - a) tržišno - turistička inspekcija (tržna inspekcija i turističko-ugostiteljska inspekcija);
  - b) zdravstvena inspekcija;
  - c) farmaceutska inspekcija;
  - d) sanitarna inspekcija;
  - e) inspekcija rada (inspekcija rada, inspekcija zaštite na radu i inspekcija socijalne zaštite);
  - f) urbanističko-ekološka inspekcija (urbanističko-gradevinska inspekcija, inspekcija zaštite okoliša, inspekcija zaštite prirode i inspekcija za zaštitu dobara baštine);
  - g) saobraćajna inspekcija (inspekcija drumskog saobraćaja i inspekcija za ceste),
  - h) poljoprivredna inspekcija;
  - i) šumarsko-lovna inspekcija
  - j) vodna inspekcija;
  - k) veterinarska inspekcija;
  - l) tehnička inspekcija (elektroenergetska inspekcija i termoenergetska inspekcija);
  - m) komunalna inspekcija i
  - n) prosvjetna inspekcija.

Član 21.

(Djelokrug Kantonalne uprave civilne zaštite)

- (1) Kantonalna uprava civilne zaštite vrši upravne i stručne poslove utvrđene zakonom i drugim propisima, koje se odnose na ostvarivanje nadležnosti Kantona u oblasti zaštite i spašavanja, zaštite od požara i vatrogastvo i poslove inspekcije civilne zaštite, inspekcije za zaštitu od požara i inspekcije za vatrogastvo, u skladu sa zakonom.
- (2) U sastavu Kantonalne uprave civilne zaštite organizuje se, kao posebna organizaciona jedinica, profesionalna vatrogasna jedinica Kantona Sarajevo, sa djelokrugom utvrđenim zakonom.

**POGLAVLJE III - SAMOSTALNE KANTONALNE UPRAVNE ORGANIZACIJE**

**Odjeljak A - Vrste samostalnih upravnih organizacija**

Član 22.

(Samostalne kantonalne upravne organizacije)

- (1) Samostalne kantonalne upravne organizacije su:
  - a) Zavod za planiranje razvoja Kantona Sarajevo,
  - b) Zavod za izgradnju Kantona Sarajevo,
  - c) Zavod za informatiku i statistiku Kantona Sarajevo,
  - d) Direkcija za robne rezerve Kantona Sarajevo,
  - e) Kantonalni zavod za pružanje besplatne pravne pomoći.
- (2) Samostalne upravne organizacije iz stava (1) ovog člana imaju svojstvo pravnog lica.

**Odjeljak B - Djelokrug samostalnih upravnih organizacija**

Član 23.

(Zavod za planiranje razvoja Kantona Sarajevo)

Zavod za planiranje razvoja Kantona Sarajevo vrši određene stručne i druge poslove koji pretežno zahtijevaju primjenu stručnih i naučnih metoda rada i sa njima povezane upravne poslove, koji se odnose na:

- a) planiranje prostornog i društveno-ekonomskog razvoja Kantona;
- b) izradu, čuvanje i stavljanje na stalni javni uvid planova prostornog uređenja i davanje stručnih mišljenja i informacija u postupku izdavanja urbanističke saglasnosti, u skladu sa zakonom;
- c) rad i razvoj geografsko-informacionog sistema Kantona, koji se odnosi na nadležnosti Kantona u oblasti planiranja razvoja;
- d) vršenje drugih stručnih poslova utvrđenih zakonom i drugim propisima, odlukama Vlade Kantona i Skupštine Kantona.

Član 24.

(Zavod za izgradnju Kantona Sarajevo)

- (1) Zavod za izgradnju Kantona Sarajevo (u daljnjem tekstu: Zavod) vrši određene stručne i druge poslove, u ime i za račun Kantona, koji pretežno zahtijevaju primjenu stručnih i naučnih metoda rada i sa njima povezane upravne poslove, koji se odnose na:
  - a) realizaciju projekata građenja od interesa za Kanton, počevši od podnošenja prijedloga za eksproprijaciju nekretnina i zahtjeva za preuzimanje i dodjelu potrebnog zemljišta, do dobijanja upotrebne dozvole;
  - b) opremanje građevinskog zemljišta za građenje prema uslovima iz urbanističke saglasnosti koju izdaje Ministarstvo prostornog uređenja i zaštite okoliša;
  - c) uspostavljanje, vođenje i ažuriranje analognog i digitalnog katastra komunalnih uređaja;
  - d) pripremanje i opremanje građevinskog zemljišta koje mu odlukom ili ugovorom povjere općine u Kantonu i Grad Sarajevo;
  - e) upravljanje i raspolaganje imovinom Zavoda u skladu s namjenom utvrđenom zakonom;
  - f) računovodstvo sredstava uređenja građevinskog zemljišta, naknade za pogodnosti i posebne naknade iz osnova legalizacije bespravno izgrađenih objekata;
  - g) zastupanje u upravnim i sudskim postupcima koji proizađu iz obavljanja poslova iz djelokruga Zavoda;
  - h) obavljanje i drugih stručnih poslova iz nadležnosti Kantona u oblasti izgradnje infrastrukture i uređenja građevinskog zemljišta koje mu povjeri Kanton.

Član 25.

(Zavod za informatiku i statistiku Kantona Sarajevo)

Zavod za informatiku i statistiku Kantona Sarajevo vrši stručne i druge poslove koji pretežno zahtijevaju primjenu stručnih i naučnih metoda rada i sa njima povezane upravne poslove iz oblasti informatike i statistike, kao i druge poslove, koji se odnose na:

- a) planiranje i razvoj jedinstvenog informacionog prostora Kantona, Grada Sarajeva i općina na području Kantona, zasnovanog na elektronskoj obradi podataka i usmjerenog prema korisnicima,
- b) razvoj i upravljanje integralnim računarskim sistemom organa uprave, upravnih organizacija i stručnih službi Kantona, uključujući infrastrukturu, internet i internet prisustvo, elektronsku poštu i elektronsko upravljanje dokumentima,
- c) analizu, dokumentovanje, optimizaciju poslovnih procesa i razvoj projekata za organe uprave, upravne organizacije i stručne službe Kantona,
- d) pripremu, izradu nacрта i provođenje programa statističkih istraživanja od interesa za Kanton koji postoje kao obaveza u okviru programa statističkih istraživanja,
- e) organizovanje i provođenje statističkih istraživanja od značaja za praćenje ekonomskog razvoja Kantona Sarajevo, kao i obradu statističke građe za potrebe Vlade, organa uprave, upravnih organizacija i stručnih službi Kantona, u skladu sa Zakonom o statistici F BiH,
- f) analizu, obradu, objavljivanje i ažuriranje statističkih podataka, te izdavanje statističkih mjesečnih i godišnjih biltena i godišnjaka Kantona,
- g) druge poslove koje mu povjeri Skupština Kantona i Vlada Kantona.

Član 26.

(Direkcija za robne rezerve Kantona Sarajevo)

Direkcija za robne rezerve Kantona Sarajevo vrši stručne poslove pretežno privrednog karaktera i sa njima povezane upravne poslove iz nadležnosti Kantona, koji se odnose na:

- a) nabavku, uskladištenje, distribuciju i transport robnih rezervi Kantona (osnovni poljoprivredno-prehrambeni proizvodi, nafta, naftni derivati i dr.);
- b) intervencije na tržištu, u slučaju poremećaja u snabdijevanju ili nekontrolisanog rasta cijena osnovnih prehrambenih proizvoda, nafte i naftnih derivata;
- c) distribuciju roba iz robnih rezervi krajnjim korisnicima;
- d) nabavku i distribuciju roba za potrebe javnih kuhinja i drugih humanitarnih organizacija na području Kantona, u skladu sa zahtjevima Vlade Kantona i nadležnih kantonalnih ministarstava;
- e) vršenje drugih stručnih poslova utvrđenih zakonom i drugim propisima, odlukama Vlade Kantona i Skupštine Kantona

Član 27.

(Djelokrug Kantonalnog zavoda za pružanje besplatne pravne pomoći)

Kantonalni zavod za pružanje besplatne pravne pomoći vrši upravne i stručne poslove koji se odnose na pružanje besplatne pravne pomoći građanima lošeg imovinskog stanja, na način i pod uslovima utvrđenim zakonom kojim se reguliše pružanje besplatne pravne pomoći.

POGLAVLJE IV - PRELAZNE I ZAVRŠNE ODREDBE

Član 28.

(Nastavljanje rada ministarstava)

Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), u skladu sa djelokrugom utvrđenim Zakonom o organizaciji i djelokrugu organa uprave i upravnih organizacija Kantona Sarajevo

("Službene novine Kantona Sarajevo", broj 7/08), nastavljaju da rade:

- a) Ministarstvo pravde i uprave,
- b) Ministarstvo prostornog uređenja i zaštite okoliša,
- c) Ministarstvo unutrašnjih poslova,
- d) Ministarstvo privrede,
- e) Ministarstvo finansija,
- f) Ministarstvo zdravstva,
- g) Ministarstvo obrazovanja i nauke,
- h) Ministarstvo kulture i sporta,
- i) Ministarstvo za rad, socijalnu politiku, raseljena lica i izbjeglice i
- j) Ministarstvo za boračka pitanja.

Član 29.

(Nastavak rada Kantonalne uprave civilne zaštite)

Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), u skladu sa djelokrugom utvrđenim Zakonom o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08) nastavlja da radi Kantonalna uprava civilne zaštite.

Član 30.

(Nastavak rada kantonalnih upravnih organizacija)

Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), u skladu sa djelokrugom utvrđenim Zakonom o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), nastavljaju da rade:

- a) Zavod za planiranje razvoja Kantona Sarajevo,
- b) Zavod za izgradnju Kantona Sarajevo,
- c) Zavod za informatiku i statistiku Kantona Sarajevo,
- d) Direkcija za robne rezerve Kantona Sarajevo i
- e) Profesionalna vatrogasna brigada Kantona Sarajevo.

Član 31.

(Nastavljanje obavljanja funkcije)

Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), rukovodioci kantonalnih organa iz čl. 28, 29 i 30. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), imenovani, odnosno postavljeni do stupanja na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), nastavljaju obavljati funkciju rukovodilaca tih kantonalnih organa.

Član 32.

(Uskladjivanje pravilnika o unutrašnjoj organizaciji)

U roku od 60 dana od dana stupanja na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), rukovodioci kantonalnih organa iz čl. 28, 29 i 30. Zakona dužni su uskladiti pravilnike o unutrašnjoj organizaciji tih organa sa djelokrugom utvrđenim Zakonom o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08).

Član 33.

(Prestanak s radom ministarstava)

Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), prestaju s radom:

- a) Ministarstvo stambenih poslova i
- b) Ministarstvo prometa i komunikacija.

Član 34.

(Početak rada ministarstava)

Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), u skladu s djelokrugom utvrđenim Zakonom o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), počinju s radom:

- a) Ministarstvo stambene politike i
- b) Ministarstvo saobraćaja

Član 35.

(Nastavljanje obavljanja funkcije)

Stupanjem na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), ministar stambenih poslova nastavlja obavljati funkciju ministra stambene politike, a ministar prometa i komunikacija nastavlja obavljati funkciju ministra saobraćaja.

Član 36.

(Preuzimanje državnih službenika i namještenika, arhive, dokumentacije i sredstava rada)

Ministarstva iz člana 34. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08) preuzimaju državne službenike i namještenike, arhivu i dokumentaciju i sredstva rada ministarstava iz člana 33. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08).

Član 37.

(Uskladjivanje pravilnika o unutrašnjoj organizaciji)

U roku od 60 dana od dana stupanja na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), ministri iz člana 35. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), dužni su uskladiti pravilnike o unutrašnjoj organizaciji ministarstava sa djelokrugom utvrđenim Zakonom o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08).

Član 38.

(Početak rada Kantonalne uprave za inspekcijske poslove)

- (1) Kantonalna uprava za inspekcijske poslove počinje s radom danom postavljenja direktora.
- (2) Direktor Kantonalne uprave za inspekcijske poslove postaviće se u roku od tri mjeseca od dana stupanja na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08).

Član 39.

(Preuzimanje inspekcijskih poslova iz ministarstava)

Danom početka rada, u skladu s djelokrugom utvrđenim Zakonom o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), Kantonalna uprava za inspekcijske poslove preuzima inspekcijske poslove koji su bili u djelokrugu kantonalnih ministarstava, i to:

- a) Iz Ministarstva prostornog uređenja i zaštite okoliša
  - 1) urbanističko-građevinsku inspekciju,
  - 2) ekološku inspekciju-inspekciju zaštite okoliša,
  - 3) inspekciju zaštite prirode,
  - 4) komunalnu inspekciju i
  - 5) inspekciju zaštite od požara;
- b) iz Ministarstva prometa i komunikacija:
  - 1) inspekciju drumskog saobraćaja i
  - 2) inspekciju za ceste;

c) iz Ministarstva privrede:

- 1) tržišnu inspekciju,
- 2) turističko-ugostiteljsku inspekciju,
- 3) veterinarsku inspekciju,
- 4) vodoprivrednu inspekciju,
- 5) šumarsko-lovnu inspekciju,
- 6) poljoprivrednu inspekciju,
- 7) elektroenergetsku inspekciju i
- 8) termo-energetsku inspekciju;

d) iz Ministarstva zdravstva:

- 1) zdravstvenu inspekciju
- 2) farmaceutsku inspekciju i
- 3) sanitarnu inspekciju;

f) iz Ministarstva kulture i sporta: inspekciju za zaštitu dobara baštine;

g) iz Ministarstva za rad, socijalnu politiku, raseljena lica i izbjeglice:

- 1) inspekciju rada,
- 2) inspekciju zaštite na radu i
- 3) inspekciju socijalne zaštite

h) iz Ministarstva obrazovanja i nauke

l) prosvjetnu inspekciju

Član 40.

(Preuzimanje kantonalnih inspektora)

Kantonalna uprava za inspekcijske poslove, istovremeno s preuzimanjem poslova preuzima i kantonalne inspektore koji se zateknu na poslovima u tim ministarstvima, kao i državne službenike i namještenike čiji je posao neposredno vezan za poslove inspekcije.

Član 41.

(Preuzimanje arhive, dokumentacije i sredstava rada)

Arhivu, dokumentaciju i sredstva rada inspekcija koje prelaze u Kantonalnu upravu za inspekcijske poslove preuzima Kantonalna uprava za inspekcijske poslove.

Član 42.

(Obavljanje inspekcijskih poslova do preuzimanja u Kantonalnu upravu za inspekcijske poslove)

Do preuzimanja inspekcija u Kantonalnu upravu za inspekcijske poslove, postojeće kantonalne inspekcije iz člana 39. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), nastavljaju da rade u okviru ministarstava u kojima su bile organizovane do dana početka rada Kantonalne uprave za inspekcijske poslove.

Član 43.

(Donošenje Pravilnika o unutrašnjoj organizaciji Kantonalne uprave za inspekcijske poslove)

Direktor Kantonalne uprave za inspekcijske poslove dužan je donijeti Pravilnik o unutrašnjoj organizaciji u roku od 60 dana od dana imenovanja.

Član 44.

(Početak rada Direkcije za turizam u sastavu Ministarstva privrede)

- (1) Direkcija za turizam u sastavu Ministarstva privrede počinje s radom danom postavljanja direktora.
- (2) Direktor Direkcije za turizam postaviće se u roku od tri mjeseca od dana stupanja na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08).

Član 45.

(Prestanak važenja dosadašnjih zakona)

Danom stupanja na snagu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), prestaje da važi Zakon o ministarstvima Kantona Sarajevo ("Službene novine Kantona Sarajevo", br. 4/01, 13/02, 16/03 i 26/04) i Zakon

o samostalnim kantonalnim upravnim ustanovama ("Službene novine Kantona Sarajevo", br. 14/97, 7/98, 13/99 i 28/01).

Član 46.

(Uskladjivanje pravilnika o unutrašnjoj organizaciji)

Najkasnije u roku utvrđenom u Zakonu o zaštiti od požara i vatrogastvu, ministar unutrašnjih poslova, direktor Kantonalne uprave za inspeksijske poslove i direktor Kantonalne uprave civilne zaštite dužni su uskladiti pravilnike o unutrašnjoj organizaciji organa kojim rukovode sa djelokrugom utvrđenim Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 14/10) i Zakonom o zaštiti od požara i vatrogastvu.

Član 47.

(Preuzimanje poslova)

U roku iz člana 4. Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 14/10), Ministarstvo unutrašnjih poslova i Kantonalna uprava civilne zaštite, dužni su preuzeti inspektore zaštite od požara, arhivu, dokumentaciju i sredstva rada inspekcije za zaštitu od požara, svako u okviru svoje nadležnosti.

Član 48.

(Nastavljanje s radom dosadašnjeg Ministarstva obrazovanja i nauke kao Ministarstva za obrazovanje, nauku i mlade)

Danom stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), nastavlja s radom Ministarstvo obrazovanja i nauke kao Ministarstvo za obrazovanje, nauku i mlade, sa djelokrugom utvrđenim Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11).

Član 49.

(Nastavljanje obavljanja funkcije, nastavljanje s radom državnih službenika i namještenika i preuzimanje arhive, dokumentacije i sredstava rada)

- (1) Danom stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), ministar obrazovanja i nauke nastavlja obavljati funkciju ministra za obrazovanje, nauku i mlade.
- (2) Danom stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), u Ministarstvu za obrazovanje, nauku i mlade nastavljaju s radom državni službenici i namještenici dosadašnjeg Ministarstva obrazovanja i nauke, koje preuzima arhivu i dokumentaciju i sredstva rada dosadašnjeg Ministarstva obrazovanja i nauke.

Član 50.

(Uskladjivanje Pravilnika o unutrašnjoj organizaciji Ministarstva za obrazovanje, nauku i mlade)

U roku od 30 dana od dana stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), ministar za obrazovanje, nauku i mlade dužan je uskladiti Pravilnik o unutrašnjoj organizaciji Ministarstva za obrazovanje, nauku i mlade sa djelokrugom dopunjenim Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11).

Član 51.

(Uskladjivanje Pravilnika o unutrašnjoj organizaciji Kantonalne uprave civilne zaštite s djelokrugom dopunjenim Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11))

U roku od 30 dana od dana stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), direktor Kantonalne uprave civilne zaštite dužan je uskladiti Pravilnik o unutrašnjoj organizaciji Kantonalne uprave civilne zaštite sa djelokrugom dopunjenim Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11).

Član 52.

(Nastavak s radom Kantonalne uprave civilne zaštite s djelokrugom dopunjenim Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11))

Kantonalna uprava civilne zaštite nastavlja s radom, u skladu s djelokrugom dopunjenim Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), u roku od 15 dana od dana donošenja usklađenog Pravilnika o unutrašnjoj organizaciji Kantonalne uprave civilne zaštite.

Član 53.

(Prestanak s radom Profesionalne vatrogasne brigade Kantona Sarajevo i preuzimanje zaposlenika, arhive, dokumentacije i sredstava rada)

- (1) Profesionalna vatrogasna brigada Kantona Sarajevo, kao samostalna kantonalna upravna organizacija, prestaje s radom u roku od 15 dana od dana donošenja usklađenog Pravilnika o unutrašnjoj organizaciji Kantonalne uprave civilne zaštite.
- (2) U roku od 15 dana od dana uskladjivanja pravilnika iz člana 10. Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), Kantonalna uprava civilne zaštite dužna je preuzeti dokumentaciju, arhivu i sredstva rada ukinute Profesionalne vatrogasne brigade Kantona Sarajevo, kao i državne službenike i namještenike ukinute Profesionalne vatrogasne brigade Kantona Sarajevo koji su taj status imali na dan stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11) i rasporediti ih u skladu s Pravilnikom o unutrašnjoj organizaciji Kantonalne uprave civilne zaštite.

Član 54.

(Početak rada Kantonalnog zavoda za pružanje besplatne pravne pomoći)

- (1) Kantonalni zavod za pružanje besplatne pravne pomoći počinje s radom danom postavljenja direktora.
- (2) Direktor Kantonalnog zavoda za pružanje besplatne pravne pomoći postaviće se u roku od šest mjeseci od dana stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11).

Član 55.

(Donošenje Pravilnika o unutrašnjoj organizaciji Kantonalnog zavoda za pružanje besplatne pravne pomoći)

U roku od 30 dana od dana imenovanja, direktor Kantonalnog zavoda za pružanje besplatne pravne pomoći dužan je donijeti Pravilnik o unutrašnjoj organizaciji Kantonalnog zavoda za pružanje besplatne pravne pomoći.

**Vlada Kantona**

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 64. stav 12. Zakona o zdravstvenoj zaštiti ("Službene novine Federacije BiH", broj 46/10), Vlada Kantona Sarajevo, na 50. sjednici održanoj 12.01.2012. godine, donijela je

**ODLUKU**

**O VISINI MJESEČNE NAKNADE ZA RAD  
PREDSJEDNIKA I ČLANOVA UPRAVNIH ODBORA  
JAVNIH ZDRAVSTVENIH USTANOVA I JAVNE  
USTANOVE ČIJI JE OSNIVAČ KANTON SARAJEVO**

**I**

- (1) Ovom odlukom određuje se visina mjesečne naknade za rad predsjednika i članova upravnih odbora javnih zdravstvenih ustanova i javne ustanove čiji je osnivač Kanton Sarajevo (u daljem tekstu: Ustanove).
- (2) Utvrđuje se naknada za rad u upravnim odborima javnih zdravstvenih ustanova, kako slijedi:
  - JU Dom zdravlja Kantona Sarajevo
  - JU Opća bolnica "Prim. dr. Abdulah Nakaš", i to predsjednicima upravnih odbora u iznosu od 500,00 KM, a članovima upravnih odbora u iznosu od 400,00 KM,
- (3) Utvrđuje se naknada za rad u Upravnom odboru javne ustanove Zavod zdravstvenog osiguranja Kantona Sarajevo, i to predsjedniku Upravnog odbora u iznosu od 500,00 KM, a članovima Upravnog odbora u iznosu od 400,00 KM
- (4) Utvrđuje se naknada za rad u upravnim odborima javnih zdravstvenih ustanova, kako slijedi:
  - JU Psihijatrijska bolnica Kantona Sarajevo
  - JU Zavod za javno zdravstvo Kantona Sarajevo
  - JU Zavod za medicinu rada Kantona Sarajevo
  - JU Zavod za zdravstvenu zaštitu žena i materinstva Kantona Sarajevo
  - JU Apoteke Sarajevo
  - JU Zavod za hitnu medicinsku pomoć Kantona Sarajevo i to predsjednicima upravnih odbora u iznosu od 400,00 KM, a članovima upravnih odbora u iznosu od 300,00 KM.
- (5) Utvrđuje se naknada za rad u upravnim odborima javnih zdravstvenih ustanova, kako slijedi:
  - JU Zavod za alkoholizam i druge toksikomanije Kantona Sarajevo
  - JU Kantona Sarajevo Zavod za zaštitu zdravlja studenata Univerziteta u Sarajevu
  - JU Zavod za zdravstvenu zaštitu zaposlenika MUP-a Kantona Sarajevoi to predsjednicima upravnih odbora u iznosu od 300,00 KM, a članovima upravnih odbora u iznosu od 200,00 KM.
- (6) Utvrđuje se naknada za rad u Upravnom odboru JU Zavod za sportsku medicinu Kantona Sarajevo, i to predsjedniku Upravnog odbora u iznosu od 250,00 KM, a članovima Upravnog odbora u iznosu od 150,00 KM.

**II**

- (1) Naknada utvrđena ovom odlukom isplaćuje se iz sredstva ustanove.

- (2) Isplata naknade za rad u upravnom odboru vršit će se u utvrđenom iznosu, mjesečno.

**III**

Ustanove iz tačke I ove odluke dužne su uskladiiti svoje akte sa odredbama ove odluke u roku od 30 dana od dana stupanja na snagu ove odluke.

**IV**

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-264-9/12  
12. januara 2012. godine  
Sarajevo

Premijer  
**Fikret Musić, s. r.**

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03 i 34/03) i člana 4. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", broj 25/09 i 22/11), Vlada Kantona Sarajevo, na 51. sjednici održanoj 26.01.2012. godine, donijela je

**ODLUKU**

**O IZMJENAMA ODLUKE O STANDARDIMA I  
KRITERIJIMA ZA IMENOVANJE NA POZICIJE  
PREDSJEDNIKA I ČLANOVA SKUPŠTINA  
KANTONALNIH JAVNIH PREDUZEĆA**

Član 1.

U Odluci o standardima i kriterijima za imenovanje na pozicije predsjednika i članova skupština kantonalnih javnih preduzeća ("Službene novine Kantona Sarajevo", br. 30/09 i 27/11), u članu 2. stav 2. tačke (a) i (b) mijenjaju se i glase:

- "(a) da ima VII ili VI stepen školske spreme, bachelor
- b) da ima najmanje 3 (tri) godine iskustva u radu,".

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-1150-5/12  
26. januara 2012. godine  
Sarajevo

Premijer  
**Fikret Musić, s. r.**

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 4. stav 1. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09 i 22/11), Vlada Kantona Sarajevo, na 51. sjednici održanoj 26.01.2012. godine, donijela je

**ODLUKU**

**O IZMJENI ODLUKE O STANDARDIMA I  
KRITERIJIMA ZA IMENOVANJE NA POZICIJU  
PREDSJEDNIKA I ČLANOVA SKUPŠTINA  
KANTONALNIH JAVNIH KOMUNALNIH PREDUZEĆA**

Član 1.

U Odluci o standardima i kriterijima za imenovanje na poziciju predsjednika i članova skupština kantonalnih javnih komunalnih preduzeća ("Službene novine Kantona Sarajevo", br. 30/09, 21/10 i 27/11) u članu 2. stav 2. tačke (a) i (b) mijenjaju se i glase:

- "(a) da ima VII ili VI stepen školske spreme, bachelor
- (b) da ima najmanje 3 (tri) godine iskustva u radu,".